

ԼԵՌՆԱՅԻՆ ՂԱՐԱԲԱԴԻ ՀԱՆՐԱՊԵՏՈՒԹՅԱՆ

Օ Ր Ե Ն Ք Ը

**ՀԱՐԿԱՅԻՆ ԵՎ ԱՅԼ ՊԱՐՏԱԴԻՐ ՎՃԱՐՆԵՐԻ ԳԾՈՎ ԱՐՏՈՆՈՒԹՅՈՒՆՆԵՐ
ՍԱՀՄԱՆԵԼՈՒ ՄԱՍԻՆ**

Հոդված 1.

1. Սույն օրենքը տարածվում է այն կազմակերպությունների և ֆիզիկական անձանց, այդ թվում՝ անհատ ձեռնարկատերերի (այսուհետ՝ հարկ վճարող) վրա, որոնք սույն օրենքի 2-րդ հոդվածում նշված ժամկետներում ունեն շահութահարկի, եկամտահարկի, եկամտային հարկի, ակցիզային հարկի, ավելացված արժեքի հարկի, հաստատագրված վճարների, առևտրի հարկի, պարտադիր սոցիալական ապահովության վճարների, ավտոմոբիլային ճանապարհների շինարարության, նորոգման և պահպանման համար կատարվող հատկացումների (մասհանումների), տարեկան պետական տուրքի ու բնապահպանական և բնօգտագործման վճարների գծով ապառքներ, տույժեր և (կամ) տուգանքներ, ինչպես նաև հարկային օրենսդրությունը խախտելու համար սահմանված տուգանքներ (բացառությամբ օրենքով համայնքների բյուջեներ մուտքագրվող հարկերի գծով չվճարման համար սահմանված տուգանքների), «Հսկիչ-դրամարկղային մեքենաների կիրառման մասին», «Դրամարկղային գործառնությունների մասին» Լեռնային Ղարաբաղի Հանրապետության օրենքների պահանջների խախտման համար սահմանված տուգանքներ (այսուհետ՝ հարկային և այլ պարտադիր վճարների գծով պարտավորություն):

2. Սույն օրենքը տարածվում է նաև հարկ վճարողների այն հարկային և այլ պարտադիր վճարների գծով պարտավորությունների վրա, որոնց մասով առկա է օրինական ուժի մեջ մտած դատական ակտ:

Հոդված 2.

1. Այն հարկ վճարողները, որոնք 2016 թվականի հունվարի 1-ի դրությամբ ունեն ստուգման ակտերով հաշվարկված ու չվճարված հարկային և այլ պարտադիր վճարների գծով պարտավորություններ, և (կամ) 2017 թվականի փետրվարի 1-ի դրությամբ ունեն հարկային և այլ պարտադիր վճարների գծով պարտավորություններ՝

1) 2016 թվականի հունվարի 1-ի դրությամբ ստուգման ակտերով հաշվարկված ու չվճարված հարկային և այլ պարտադիր վճարների գծով ապառքներն ամբողջությամբ ու դրանց նկատմամբ հաշվարկված և չվճարված տույժերի 10 տոկոսն ու տուգանքների 40 տոկոսը սույն օրենքի 5-րդ հոդվածով սահմանված ժամանակացույցով և կարգով մարելու դեպքում ազատվում են ստուգման ակտերով հաշվարկված և չվճարված տույժերի 90 տոկոսից և տուգանքների 60 տոկոսից, ինչպես նաև «Դատական ակտերի հարկադիր կատարման մասին» Լեռնային Ղարաբաղի Հանրապետության օրենքի 68-րդ հոդվածով նախատեսված կատարողական գործողությունների կատարման ծախսերը վճարելու պարտականությունից.

2) 2016 թվականի հունվարի 1-ից հետո ստուգման ակտերով հաշվարկված ու չվճարված հարկային և այլ պարտադիր վճարների գծով պարտավորություններն ու 2017 թվականի փետրվարի 1-ի դրությամբ հարկային և այլ պարտադիր վճարների գծով ապառքներն ամբողջությամբ, հաշվարկված և չվճարված տույժերի 10 տոկոսն ու հարկային մարմնի գրասենյակում օրենսդրությամբ սահմանված կարգով հաշվարկված և չվճարված տուգանքների 40 տոկոսը սույն օրենքի 5-րդ հոդվածով սահմանված ժամանակացույցով և կարգով մարելու դեպքում ազատվում են հաշվարկված և չվճարված տույժերի 90 տոկոսից և հարկային մարմնի գրասենյակում օրենսդրությամբ սահմանված կարգով հաշվարկված և չվճարված տուգանքների 60 տոկոսից, ինչպես նաև «Դատական ակտերի հարկադիր կատարման մասին» Լեռնային Ղարաբաղի Հանրապետության օրենքի 68-րդ հոդվածով նախատեսված կատարողական գործողությունների կատարման ծախսերը վճարելու պարտականությունից:

2. Այն հարկ վճարողները, որոնք մինչև 2017 թվականի ապրիլի 1-ը հարկային մարմիններ կներկայացնեն մինչև 2017 թվականի փետրվարի 1-ն ընկած հաշվետու ժամանակաշրջանների համար ճշտված հաշվարկ-հաշվետվություններ և սույն օրենքի 5-րդ հոդվածով սահմանված ժամանակացույցով ու կարգով կմարեն դրանց

հետևանքով առաջացող ապառքներն ամբողջությամբ և տույժերի 10 տոկոսը, կազատվեն ճշտված հաշվարկ-հաշվետվությունների ներկայացման արդյունքում հաշվարկվող տուգանքներից և տույժերի 90 տոկոսից:

Սույն մասին համապատասխան ճշտված հաշվարկ-հաշվետվություններ չեն կարող ներկայացվել հարկային մարմինների կողմից հարկ վճարողների (հարկային գործակալների) մոտ ստուգվող կամ արդեն ստուգված ժամանակաշրջանների համար:

3. Սույն օրենքի բաղկացուցիչ մասը կազմող հավելվածում նշված՝ 2008 թվականի դեկտեմբերի 31-ից հետո փաստացի գործունեություն չիրականացրած հարկ վճարողներն ազատվում են 2008 թվականի դեկտեմբերի 31-ը ներառող և (կամ) դրան նախորդող հաշվետու ժամանակաշրջանների արդյունքներով առաջացած հարկային և այլ պարտադիր վճարների գծով ապառքները, հաշվարկված և չվճարված տույժերն ու տուգանքները, գործունեության չիրականացման ժամանակահատվածում հաշվարկված և չվճարված շահութահարկի ու եկամտահարկի կանխավճարները (այդ թվում՝ նվազագույն պարտադիր սոցիալական ապահովության վճարները) և հաստատագրված վճարները վճարելու պարտավորությունից, այդ թվում՝ օրինական ուժի մեջ մտած դատական ակտերով բռնագանձման ենթակա հարկային և այլ պարտադիր վճարների գծով պարտավորություններից, ինչպես նաև «Դատական ակտերի հարկադիր կատարման մասին» Լեռնային Ղարաբաղի Հանրապետության օրենքի 68-րդ հոդվածով նախատեսված կատարողական գործողությունների կատարման ծախսերը վճարելու պարտականությունից: Սույն մասը չի տարածվում նախաքննության մարմնում չավարտված քրեական գործերով հարկային և այլ պարտադիր վճարների գծով պարտավորություններ ունեցող հարկ վճարողների վրա:

Հոդված 3.

1. Հարկային մարմինը մինչև 2017 թվականի մարտի 20-ը սույն օրենքի 2-րդ հոդվածի 1-ին մասում նշված հարկային և այլ պարտադիր վճարների գծով պարտավորություններ ունեցող հարկ վճարողներին փոստային կապի ծառայության (հետադարձ ծանուցմամբ) կամ անհատական հանձնման միջոցով տրամադրում է ծանուցում՝ հարկային և այլ պարտադիր վճարների գծով պարտավորությունների

մարման ժամանակացույց կնքելու և սույն օրենքով սահմանված արտոնություններից օգտվելու հնարավորության մասին:

2. Ծանուցումն ուղարկվում է կազմակերպության գտնվելու վայրի կամ ֆիզիկական անձի (անհատ ձեռնարկատիրոջ) բնակության վայրի կամ հարկային մարմնին հայտնի՝ կազմակերպության կամ ֆիզիկական անձի (անհատ ձեռնարկատիրոջ) այլ հասցեով:

3. Ծանուցումը համարվում է պատշաճ, եթե այն ստորագրությամբ հանձնվել է կազմակերպության ներկայացուցչին կամ ֆիզիկական անձին (անհատ ձեռնարկատիրոջը) կամ վերջինիս ներկայացուցչին:

Հոդված 4.

1. Հարկ վճարողները կարող են մինչև 2017 թվականի ապրիլի 1-ը դիմել իրենց հաշվառման վայրի հարկային մարմնին՝ սույն օրենքին համապատասխան հարկային և այլ պարտադիր վճարների գծով պարտավորությունների մարման ժամանակացույցի հաստատման համար:

Սույն մասով սահմանված՝ հարկային մարմին դիմելու ժամկետը կարող է երկարաձգվել մինչև 2017 թվականի մայիսի 1-ը, եթե հարկ վճարողի պատասխանատու պաշտոնատար անձինք (տնօրեն, կառավարիչ և այլն) սույն օրենքի 3-րդ հոդվածով սահմանված կարգով պատշաճ ձևով ծանուցված չեն եղել: Սույն պարբերությամբ սահմանված դեպքում, ժամանակացույցի կազմման և վճարումների իրականացման ժամկետները համապատասխանաբար երկարաձգվում են մեկ ամսով:

Հոդված 5.

1. Հարկային մարմինը 10 աշխատանքային օրվա ընթացքում հարկ վճարողի դիմումի հիման վրա վերջինիս հետ կազմում է ժամանակացույց, որով հարկ վճարողը պարտավորվում է վճարել սույն օրենքի 2-րդ հոդվածում նշված հարկային և այլ պարտադիր վճարների գծով պարտավորությունները հետևյալ կարգով.

1) մինչև 8 000 000 ՀՀ դրամ հարկային և այլ պարտադիր վճարների գծով պարտավորություն ունեցող հարկ վճարողներն ըստ սահմանված ժամանակացույցի մարում են գումարները սկսած 2017 թվականի ապրիլի 1-ից մինչև 2017 թվականի

նոյեմբերի 30-ը՝ յուրաքանչյուր ամիս վճարելով հարկային և այլ պարտադիր վճարների գծով պարտավորության գումարի՝ առանց արտոնության գումարի, առնվազն մեկ ութերորդ մասը: Հարկ վճարողը պարտավորվում է նաև սույն կետով սահմանված ժամանակացույցի ավարտին չունենալ ժամկետանց հարկային և այլ պարտադիր վճարների գծով պարտավորություններ:

2) 8 000 000 - 30 000 000 ՀՀ դրամ հարկային և այլ պարտադիր վճարների գծով պարտավորություն ունեցող հարկ վճարողներն ըստ սահմանված ժամանակացույցի մարում են գումարները սկսած 2017 թվականի ապրիլի 1-ից մինչև 2018 թվականի մարտի 30-ը՝ յուրաքանչյուր ամիս վճարելով հարկային և այլ պարտադիր վճարների գծով պարտավորության գումարի՝ առանց արտոնության գումարի, առնվազն մեկ տասներկուերորդ մասը: Հարկ վճարողը պարտավորվում է նաև սույն կետով սահմանված ժամանակացույցի ավարտին չունենալ ժամկետանց հարկային և այլ պարտադիր վճարների գծով պարտավորություններ:

3) 30 000 000 ՀՀ դրամ և ավելի հարկային և այլ պարտադիր վճարների գծով պարտավորություն ունեցող հարկ վճարողներն ըստ սահմանված ժամանակացույցի մարում են գումարները սկսած 2017 թվականի ապրիլի 1-ից մինչև 2018 թվականի սեպտեմբերի 30-ը՝ յուրաքանչյուր ամիս վճարելով հարկային և այլ պարտադիր վճարների գծով պարտավորության գումարի՝ առանց արտոնության գումարի, առնվազն մեկ տասնութերորդ մասը: Հարկ վճարողը պարտավորվում է նաև սույն կետով սահմանված ժամանակացույցի ավարտին չունենալ ժամկետանց հարկային և այլ պարտադիր վճարների գծով պարտավորություններ:

2. Եթե հարկ վճարողի հարկային և այլ պարտադիր վճարների գծով պարտավորությունների մասով առկա է օրինական ուժի մեջ մտած դատական ակտ, որը գտնվում է հարկադիր կատարման ընթացքում, ապա հարկային մարմինը սույն հոդվածի 1-ին մասով նախատեսված ժամանակացույցը կնքելուց հետո դիմում է դատական ակտերի հարկադիր կատարման ծառայությանը համապատասխան կատարողական թերթը վերադարձնելու և «Դատական ակտերի հարկադիր կատարման մասին» Լեռնային Ղարաբաղի Հանրապետության օրենքի 41-րդ հոդվածի 1-ին մասի «ժ» կետի համաձայն կատարողական վարույթն ավարտելու համար: Սույն մասով նախատեսված դեպքերում՝ հարկային մարմնի դիմումով ավարտված

կատարողական վարույթների վրա չի տարածվում «Դատական ակտերի հարկադիր կատարման մասին» Լեռնային Ղարաբաղի Հանրապետության օրենքի 68-րդ հոդվածի 4-րդ մասի երկրորդ պարբերությամբ սահմանված պահանջը:

Հոդված 6.

1. Սույն օրենքի 5-րդ հոդվածում նշված ժամանակացույցի առաջին իսկ խախտման դեպքում հարկային մարմինը պարտավորությունների բռնագանձման հայց է ներկայացնում դատարան, իսկ օրինական ուժի մեջ մտած դատական ակտի առկայության դեպքում՝ տասնօրյա ժամկետում կատարողական թերթը ներկայացնում է կատարման:

2. Սույն օրենքի 5-րդ հոդվածում նշված ժամանակացույցի գործողության ընթացքում հարկ վճարողների կողմից ճշտված հաշվարկ-հաշվետվություններ ներկայացվելու դեպքում հարկային մարմնի կողմից հարկ վճարողների մոտ տասնօրյա ժամկետում իրականացվում են ուսումնասիրություններ:

3. Սույն օրենքի 5-րդ հոդվածում նշված ժամանակացույցի գործողության ընթացքում հարկ վճարողների կողմից ժամանակացույցում չընդգրկված ժամանակահատվածների համար հարկային և այլ պարտադիր վճարների գծով ժամկետանց պարտավորություններ ունենալու դեպքում հարկային մարմինը կարող է կիրառել օրենքով սահմանված՝ հարկային և այլ պարտադիր վճարների գծով պարտավորությունների հարկադիր կատարման այլ միջոցները:

4. Սույն օրենքի 2-րդ հոդվածում նշված հարկային և այլ պարտադիր վճարների գծով պարտավորություն ունեցող այն հարկ վճարողները, որոնց նկատմամբ ներկայացվել են բռնագանձման հայցեր, կարող են հարկային մարմնի հետ կնքել հաշտության համաձայնություն:

Հոդված 7. Սույն օրենքն ուժի մեջ է մտնում 2017 թվականի փետրվարի 1-ից: